



Vrsta dok.	Izdavač
ODL	5-01
Strana: 1 od 3	
JAVNO	

UPRAVA

Broj protokola: 05-1-25-1-1321-20/25

Datum: 08.08.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 48. Statuta J.P. Međunarodni aerodrom „SARAJEVO“ d.o.o. Sarajevo, te Izvještaja i preporuke Komisije za provođenje postupka javne nabavke usluge: Usluge čišćenja staklene fasade, broj: 05-3-25-1-1321-19/25 od 25.07.2025. god., Uprava J.P. Međunarodni aerodrom „SARAJEVO“ d.o.o. Sarajevo na svojoj 49. sjednici održanoj dana 08.08.2025. god. donosi

ODLUKU

I

Za nabavku usluge čišćenja staklene fasade, prihvata se ponuda ponuđača VIP DESIGN d.o.o. Sarajevo, zavedena na protokol J.P. Međunarodni aerodrom „SARAJEVO“ d.o.o. Sarajevo dana 02.07.2025. god., pod brojem: 06-3-25-1-1321-6/25, koji je, nakon provedene e-aukcije, ponudio najnižu cijenu za predmetnu nabavku u iznosu od: 27.400,00 KM, bez PDV-a.

II

Izabrani ponuđač je, u roku od sedam radnih dana od dana prijema Obavijesti i ove Odluke o izboru najpovoljnije ponude, dužan u J.P. Međunarodni aerodrom „SARAJEVO“ d.o.o. Sarajevo dostaviti:

- originale ili ovjerene fotokopije dokumentacije iz člana 45. Zakona o javnim nabavkama, u skladu sa dostavljenom Izjavom, ne starije od 90 dana od dana dostavljanja ponude;
- novi originalan, popunjen, potpisan i ovjeren Obrazac za cijenu ponude, sa cijenama usklađenim sa konačnom cijenom iz održane e-aukcije.

III

Po proteku rokova za reviziju, uz prethodnu dostavu dokumentacije iz tačke II, Naručilac će izabranom ponuđaču ponuditi zaključenje ugovora o nabavci iz tačke I ove Odluke, kojim će se regulisati međusobna prava i obaveze ugovornih strana.

Obrazloženje

Postupajući u skladu sa članom 18. Zakona o javnim nabavkama, a u cilju izbora najpovoljnije ponude za nabavku usluge čišćenja staklene fasade, v.d. direktora J.P. Međunarodni aerodrom „SARAJEVO“ d.o.o. Sarajevo donio je Odluku o pokretanju postupka nabavke, broj: 05-3-25-1-1321-3/25 od 16.06.2025. god. U skladu sa naprijed navedenom Odlukom, J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo) je na portalu javnih nabavki dana 18.06.2025. godine objavilo obavještenje o nabavci, broj: 246-7-2-405-3-130/25. V.d. direktora Društva, Rješenjem, broj: 05-1-25-1-1321-5/25 od 30.06.2025. god., imenovao je Komisiju za provođenje postupka.

Do ostavljenog roka za predaju ponuda, 03.07.2025. god., do 12,00 sati, na adresu Društva ponudu je dostavilo pet ponuđača, i to: VIP DESIGN d.o.o. Sarajevo, QUEEN CLEAN d.o.o. Bihać, Grupa ponuđača: TESTINGELEKTRO d.o.o. Sarajevo (predstavnik) i OD ECO KALJIĆ Sarajevo (član), ECOTIME d.o.o. Sarajevo i MIŠKO GROUP d.o.o. Žepče. Na javnom otvaranju ponuda, održanom isti dan u 12,30 sati, bez prisustva predstavnika ponuđača, pročitani su nazivi ponuđača i ponuđene cijene, koje su iznosile kako slijedi.

- VIP DESIGN d.o.o. Sarajevo – 29.970,00 KM, bez PDV-a
 - QUEEN CLEAN d.o.o. Bihać – 29.970,00 KM, bez PDV-a
 - Grupa ponuđača: TESTINGELEKTRO d.o.o. Sarajevo (predstavnik) i OD ECO KALJIĆ Sarajevo (član) – 28.980,00 KM, bez PDV-a
 - ECOTIME d.o.o. Sarajevo – 29.970,00 KM, bez PDV-a i
 - MIŠKO GROUP d.o.o. Žepče – 28.350,00 KM, bez PDV-a
- Nakon javnog otvaranja, Komisija se sastala radi detaljne analize ponuda, te konstatovala sljedeće:
- VIP DESIGN d.o.o. Sarajevo

Nakon pregleda ponude u skladu sa članom 65. stav (1) ZJN, a imajući u vidu da ponuda ispunjava zahtijevano tenderskom dokumentacijom, Komisija je predložila da se ponuda proglasi formalno-pravno, tehnički i računski prihvatljivom.

- QUEEN CLEAN d.o.o. Bihać

Komisija za provođenje postupka javne nabavke izvršila je pregled i ocjenu dostavljene ponude, te je utvrdila da ista nije pripremljena u skladu sa uslovima iz tenderske dokumentacije, konkretno sa odredbom iz tačke 4. Priprema ponude, podtačka 4.3, koja glasi:

„Ponuda se dostavlja u jednom hardcopy originalu i jednoj digitalnoj kopiji u vidu scana u PDF formatu. Čitav scan mora biti dostavljen u jednoj datoteci. Digitalna kopija se može dostaviti na CD-u, DVD-u ili USB-u. Način uvezivanja medija sa kopijom ponude u original ponude nije bitan i ne može biti razlog za odbijanje ponude.“

U konkretnom slučaju, ponuđač nije dostavio digitalnu kopiju ponude u skladu sa navedenim zahtjevom, jer je digitalna kopija ponude izostala, odnosno nije bila priložena u propisanom formatu i/ili na odgovarajućem mediju (CD, DVD ili USB).

Ovakvo odstupanje predstavlja nepridržavanje obaveznih tehničkih uputa za pripremu ponude, čime se narušava princip jednakog tretmana i transparentnosti prema ostalim učesnicima u postupku.

Imajući u vidu da je članom 57. stav (1) ZJN određeno da je ponuđač dužan pridržavati se svih zahtjeva i uslova iz tenderske dokumentacije, Komisija je predložila da se ponuda odbaci u skladu sa članom 68 stav (1) i članom 68. stav (4) tačka i) ZJN, s obzirom da ne ispunjava sve što je zahtijevano tenderskom dokumentacijom, odnosno da istu ocijenila nepravilnom i neprihvatljivom.

- Grupa ponuđača: TESTINGELEKTRO d.o.o. Sarajevo (predstavnik) i OD ECO KALJIĆ Sarajevo (član)

Komisija za provođenje postupka javne nabavke izvršila je pregled ponude ponuđača i konstatovala da ponuđač nije dostavio dokaz o ispunjavanju uvjeta iz tačke 2.1. pod h) tenderske dokumentacije, u vezi sa dostavljanjem potvrde o uredno izvršenom ugovoru o pružanju usluga čišćenja objekata.

Naime, imajući u vidu sadržaj dostavljene potvrde, u kojoj se kao ugovorna strana - naručilac navodi pravno lice "ECO KALJIĆ" d.o.o., a kao izvršilac radova pravno lice "TESTINGELEKTRO" d.o.o., koje su, u predmetnom postupku javne nabavke, zajednički nastupile kao članovi iste grupe ponuđača, komisija je, postupajući u skladu sa tačkom 2.1. h) tenderske dokumentacije i Zakonom o javnim nabavkama Bosne i Hercegovine, uputila dopis s upitom za dodatno pojašnjenje i dostavu dodatnih dokaza koji bi potvrdili validnost dostavljene potvrde.

Ponuđač je pozvan pismenim putem da, radi dodatne provjere ispunjavanja uvjeta, dostavi primjerak ugovora na osnovu kojeg je usluga izvršena, račune i dokaze o plaćanju, te druge relevantne dokumente koji bi omogućili komisiji da bez sumnje utvrdi da je ugovor realizovan između dvije pravne osobe – naručioca i izvršioca – u skladu sa zahtjevima iz tenderske dokumentacije.

Međutim, ponuđač u ostavljenom roku, zaključno sa 21.07.2025. godine do 12:00 sati, nije dostavio traženo pojašnjenje niti bilo kakav dodatni dokument kojim bi se otklonile sumnje u validnost dostavljenog dokaza.

S obzirom na navedeno, komisija zaključuje da ponuđač nije ispunio obavezu dokazivanja traženog uvjeta iz tačke 2.1. h) tenderske dokumentacije.

Imajući u vidu da je članom 57. stav (1) ZJN određeno da je ponuđač dužan pridržavati se svih zahtjeva i uslova iz tenderske dokumentacije, komisija predlaže da se ponuda odbaci u skladu sa članom 68 stav (1) i članom 68. stav (4) tačka i) ZJN, s obzirom da ne ispunjava sve što je zahtijevano tenderskom dokumentacijom, te da se ponuda proglasi nepravilnom i neprihvatljivom.

- ECOTIME d.o.o. Sarajevo

Nakon pregleda ponude u skladu sa članom 65. stav (1) ZJN, a imajući u vidu da ponuda ispunjava zahtijevano tenderskom dokumentacijom, komisija predlaže da se ponuda proglasi formalno-pravno, tehnički i računski prihvatljivom.

- MIŠKO GROUP d.o.o. Žepče

Nakon detaljnog pregleda i ocjene ponude, Komisija za provođenje postupka javne nabavke konstatovala je da ponuđač nije ispunio dva ključna zahtjeva iz tenderske dokumentacije, kako slijedi:

1. Nedostavljanje potvrde o dobro izvršenom ugovoru u skladu sa tačkom 2.1. h) tenderske dokumentacije

U skladu sa tačkom 2.1. h) tenderske dokumentacije, ponuđač je bio dužan dostaviti potvrdu o dobro izvršenom ugovoru usluge čišćenja objekata, izdatu od druge ugovorne strane, kojom se potvrđuje da je ponuđač u posljednje tri godine uspješno realizovao jedan ugovor ukupne vrijednosti ne manje od 30.000,00 KM bez PDV-a. Potvrda je morala sadržavati sve propisane elemente, uključujući: naziv i sjedište ugovornih strana, predmet, vrijednost, vrijeme i mjesto izvršenja ugovora te navode o uredno izvršenim obavezama.

U konkretnom slučaju, ponuđač uopće nije dostavio potvrdu o dobro izvršenom ugovoru, čime nije dokazao ispunjavanje navedenog uslova sposobnosti.

2. Nedostavljanje digitalne kopije ponude u skladu sa tačkom 4.3 tenderske dokumentacije

U skladu sa tačkom 4.3 tenderske dokumentacije, ponuda se morala dostaviti u jednom hardcopy originalu i jednoj digitalnoj kopiji u vidu skeniranog PDF dokumenta, pri čemu je čitav scan trebao biti dostavljen u jednoj datoteci, i to na CD-u, DVD-u ili USB mediju.

U konkretnom slučaju, ponuđač nije dostavio digitalnu kopiju ponude na propisan način – digitalna kopija je izostala, odnosno nije bila priložena u propisanom PDF formatu i/ili na odgovarajućem mediju, što predstavlja formalni nedostatak ponude u smislu navedenog uslova.

Imajući u vidu da je članom 57. stav (1) ZJN određeno da je ponuđač dužan pridržavati se svih zahtjeva i uslova iz tenderske dokumentacije, komisija predlaže da se ponuda odbaci u skladu sa članom 68 stav (1) i članom 68. stav (4) tačka i) ZJN, s obzirom da ne ispunjava sve što je zahtijevano tenderskom dokumentacijom, te da se ponuda proglasi nepravilnom i neprihvatljivom.

Nakon prethodnog utvrđivanja formalno-pravne, tehničke i računске ispravnosti, prema ponuđenim cijenama je formirana Rang lista prihvatljivih ponuda prije provođenja e-aukcije, i to kako slijedi:

1. VIP DESIGN d.o.o. Sarajevo, vrijednost ponude u iznosu od 29.970,00 KM bez PDV-a,

2. ECOTIME d.o.o. Sarajevo, vrijednost ponude u iznosu od 29.970,00 KM bez PDV-a.

Za predmetnu javnu nabavku bila je predviđena e-aukcija, te je ista zakazana i održana, i to 24.07.2025. godine. Nakon okončane e-aukcije, utvrđene su konačne ponuđene cijene, prema kojima je utvrđena i konačna Rang lista, i to kako slijedi:

1. VIP DESIGN d.o.o. Sarajevo, vrijednost ponude u iznosu od 27.400,00 KM bez PDV-a,

2. ECOTIME d.o.o. Sarajevo, vrijednost ponude u iznosu od 27.421,87 KM bez PDV-a.

S obzirom na naprijed navedeno, Komisija je utvrdila da je najpovoljnija ponuda ponuđača VIP DESIGN d.o.o. Sarajevo, koji je nakon održane e-aukcije ponudio najnižu cijenu za predmetnu nabavku, te je predložila Upravi Društva da se ugovor u ponuđenoj vrijednosti nakon e-aukcije od 27.400,00 KM bez PDV-a, dodijeli ovom ponuđaču.

Uprava je razmotrila izvještaj i preporuku Komisije, te je, nakon uvida u provedeni postupak, istu i prihvatila, pa je, na osnovu člana 70. Zakona o javnim nabavkama, a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučeno poštanskom pošiljkom, u 3 (tri) primjerka, i to u roku od 5 (pet) dana od dana prijema Odluke.

v.d. DIREKTOR-a
Sanin Ramezić



Prilog: Zapisnik o pregledu i ocjeni ponuda;

DOSTAVLJENO:

1. Ponuđačima
2. Upravi Društva (orig.)
3. Sektoru za administrativnu podršku
 - Služba nabavke (orig.)
 - Služba za pravne poslove i protokol
4. Sektoru razvoja, tehnike i standardizacije
5. a/a